

乳源縣志卷之七
兵防志

除戎器戒不虞古之訓也况民獯雜處武事其可勿講乎背乳荷戈不滿百夫今則經制漸增然卒皆召募單弱可虞秉操練之權者能不絕甘分少以鼓其奮昂激勵之氣哉述兵防志秉鈔識

守備行館

舊在文武巷弘治五年知縣姚惠建今廢

成化間賊首華貴浩韶州守禦千戶所委千戶一員或百戶一員餘丁一百名守防地方正德五年賊平調回

乳源防守公署 國朝順治十三年三月設題定經制千總官一員防守地方捍禦城池月支俸

乳源縣志下卷之七

薪銀三兩八錢 外明扣銀二錢

教場

演武場舊在斗門都正德十六年兵備王大用改建于龍王廟嶺主簿鄭世觀建亭中三間左右耳房二間知縣林文豐痛曰綏寧廢今國朝改遷于山川壇後平崗曠野便於操練在縣東一里許

營寨

白花營 在瓦窰岡縣北一百八十里

天德寨 縣東十五里一名石門寨周圍梵石如城元義士鄧可賢率眾守此

蜈蚣寨 縣南半里石圍俱在

關隘

東關 舊名放曉在興賢巷

西關 舊名挹翠在上街

南關 州頭街舊名西京古道

北關 舊名登雲在登雲巷

風門關 在縣西南十五里鵬嶺上

分水四隘 縣南一百二十里

平隘 縣西梅花崗路通宜章

已上三隘皆鄉夫守把歲報隘長司之

青石隘 縣東北

深庄隘 縣東南

大嶺隘

木角隘 路通楊中

黃金隘 縣西路通宜章

破篾坳隘

小梅關 縣西北二十里地名馬頭洞舊傳開元前西京通路

高車嶺隘 縣西北一百七十里

平址隘 縣南

沿山隘 縣南

月坪杉隘

砣石隘 俱縣西南

火燒隘 縣西北

榕樹坳隘

古之知兵者莫不審形勢之險彛因為出入之利
余稽九地之說以驗乳邑之境則所謂山林險阻
難行之道命曰坳地是也孫子曰坳地吾將進其

乳源縣志下 卷之七

二 上

途乳之水道由白土以至玉田江灣馬渡三十里
皆邑境外曲江地也入邑境由三五石以至大塘
灘頭打鼓墜大小溪邑治前二十五里由邑治而
西五里至于長潭瀧下而舟楫不能通矣從邑治
順流而下白土不過半响從白土逆流而上邑治
窮日之力不能至此水道之險也乳之陸道由黎
郡武水西遇仙橋以至陽山鋪馬渡鋪四十里亦
邑境外曲江地也入邑境由通咽路以至大塘
頭邑前鋪三十五里由邑治前而西南至于鵬嶺
風門關折而走北以至梯雲嶺白牛坪梅遼武保
司底于楚之宜章三百二十里層山疊嶂若登
然此陸道之險也迺若小道則由曲之白土至恩
山以入江灣一道也由連之波羅巖以入古母

杉木角又一道也而由雲門以出大村黃村為往
樂之正道由雲門以出白沙埠則為往樂之捷徑
凡此皆乳之形勢用兵者所宜審也秉鈔識

兵額

明洪武間設民壯一百名正統間因寇亂增設二百
名事平裁減僅有五十五名萬曆十四年又增十名
共六十五名武陽司民壯舊額三十名僅存十四名
國朝順治十年三月題定額設經制官兵二百員
各十二年十二月奉文減募兵六名移守平遠鎮
十三年五月內奉文抽調兵一百名往防廣西隨
奉文召募陸續添補現在兵一百一十八名
銅銀五錢七分〇月小除明扣每名支餉銀九錢三分六釐六毫
月大除明扣每名支

余詢父老以梅遠昔日梗化之故莫不曰武陽宜

乳源縣志 卷之七

三

置兵也蓋地去邑三百里鞭長不及馬腹然談兵
于今日措餉為難今經制之兵歲費金錢而召募
市人步伐非其素嫻使武陽置兵芻糧從何措辦
余與武陽司官蔣其長言之未嘗不仰屋而嘆也
秉鈔識

團練

團練鄉勇附城四街而外地方二十有四曰大小溪
曰打鼓墜曰九仙曰雲門曰大塘曰江灣曰大布曰
白竹曰牛婆崗曰古母水曰杉木角曰南水曰黃落
崗曰龍溪曰武豐曰均容曰深源曰扶崗曰梅花曰
遼水曰武陽曰雙橋曰出水巖曰龍浦其法之行於
乳蓋自順治十八年云是年余始抵縣見寇賊震隣
警報疊至因為修團練之說以訓其說曰桑土綢繆

安攘之至計衣衾警備捍禦之良謨自古通達治體者安不忘危萬兵于農制治于未亂決策于幾先蓋練兵以衛民即容民以畜衆井田兵法相為表裏不過以子弟而衛父兄以比閭族黨之人而行守望友助之事其立法誠詳且善矣乳邑介在南服僻處山陬近者震隣風鶴往往見告本縣蒞事方新深欲與爾百姓痾瘝一體共享四境安寧之福屢奉上臺嚴檄申飭保甲以弭盜源查往例有團練鄉勇之法為此遍諭地方保甲軍民人等知悉自附廓三街以至近遠各鄉公同僉議齊集鄉勇每家一人每人製器械一件或備銃等鎗棍等類每十家立一什長五

乳源縣志 卷之七

四 上

家自為守此象志成城壯于金湯之形勢也其操演務遵節制約束鄉總自操演外亦不得別生事端仍侯本縣親臨校閱如有技藝嫻熟隊伍嚴明者從重優賞其有功鄉總詳報院道破格羅用爾軍民人等一體遵行毋忽此法既行一金鳴則象金皆鳴一方有盜則諸方鄉勇雲集由是賊氛四出不敢入乳之境秉鈞識撫良

團練之法既行復為招撫良善之謀以訓曰 朝廷設立縣治原為地方生民有此職任所以保全善類鋤抑強暴小民之休戚安危刻刻關心無忍置之度外也今乳邑自順治十年以來梅遼向化獯崗皆生值此 清朝承平日久時和年豐正民生坐享太平

平黎民子子孫孫不願一見兵革之日上下官民共
享無事之福不亦康歟本縣下車之日通行團練以
安地方深山窮谷之民莫不洞見本縣愛民之實心
凡有舉動事事矜全近聞黃落深崗茶崗等地方無
知小民悞信異鄉流寇或為衣食所驅或為飢寒所
逼呼朋引類轉相勾引落坑阱遂忘本來何不清
夜自思爾等咸有身家咸有版籍父母妻子田園廬
舍祖宗墳墓皆踐乳之土食乳之毛何若不遵王
法自就死地今粵東省會韶雄兵馬雲集如林如雨
若遣一旅之師會同各縣駐防鄉勇搜山圍勦爾等
雖有翅翮亦無地可以自全但本縣痛念爾等無知
之民皆吾赤子皆吾生靈興師旅衆玉石俱焚其中
豈無善良之民父戒其子兄諭其弟一旦投誠即成

乳源縣志下卷之七

五

善類豈不聞清朝律令凡山海舉衆來歸者大則
侯封小亦不失行伍行之二十年有如一轍今本縣
仰體朝廷撫安地方之仁政為爾等疾首痛心若
心苦口言言皆出肺腑字字洞見至誠爾等地方團
練里排士民父老遵諭傳知各舉老成任事頭目到
縣投誠歸順盡化良善本縣即將有功頭目申報
府道轉詳撫院給與委牌劄付永鎮地方其有願
入行伍者悉令開報以憑具申食糧有願歸農者著
地方練總安集故土保爾身家其各洗心易慮靜聽
招撫刻日投誠毋得悞信訛言自取戮辱異日王師
會勦毋謂本縣言之不早也至囑至囑旌旆既聞此
諭悉棄戈歸農深山窮谷之民多至城市以觀太平
景象矣秉鈞識

屯田

龍溪屯 在龍溪岡縣西南四十里

渣溪屯 在渣溪水縣西南三十里

南水屯 在南小縣西南二十里

已上三屯正統四年除屯軍還原所田給民耕種

納糧廣州右衛

梅花屯 縣西一百四十里

平隘屯 縣西北一百八十里地名平隘所

已上二屯正統四年革除屯軍還原所田給民耕

種納糧

論曰乳路通楚而防備不在多兵非但以密邇韶鎮
朝發夕至也其地險塞其民勇鬥誠懸賞以勵首功
謹燧以通信息約法以剔奸宄則力農之子皆當關

乳源縣志下卷之七

六

上

之勇夫也憶視事伊始寇賊震隣及團練法行而妖
氛遠遁語云式於政不式於勇式於廟廊之內不式
於四境之外不其然乎至于嶺上之獯實繁有徒然
皆可以誠動在乎區處得宜而已秉鈔識